



Broj: 16-12-16-4441-~~7~~⁷/17
I. Sarajevo, 16.08. 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tač. a) i d) i člana 70. st. (1), (2), (4) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-4441/17 od 15.08.2017. godine, u postupku javne nabavke kancelarijskog namještaja za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke kancelarijskog namještaja
za potrebe Državne agencije za istrage i zaštitu

Član 1.

Po Konkurentskom zahtjevu za dostavljanje ponuda za javnu nabavku kancelarijskog namještaja za potrebe Državne agencije za istrage i zaštitu za LOT 1-Nabavka radnih stolica i LOT 2- Nabavka stolica za restoran, za koji je obavještenje o javnoj nabavci objavljeno na Portalu javnih nabavki broj 1161-7-1-510-3-44/17 od 18.07.2017. godine, poništava se postupak javne nabavke kancelarijskog namještaja, iz razloga što za LOT 1 primljena ponuda nije prihvatljiva, a za LOT 2 nije dostavljena nijedna ponuda u određenom roku.

Član 2.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđaču koji je učestvovao u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke kancelarijskog namještaja za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4441-1/17 od 10.07.2017. godine, procijenjene vrijednosti 15.980,00 KM bez uračunatog PDV-a, putem Konkurentskog zahtjeva za koji je obavještenje o javnoj nabavci objavljeno na Portalu javnih nabavki broj 1161-7-1-510-3-44/17 od 18.07.2017. godine. Predmet javne nabavke podijeljen je na lotove i to:

- LOT 1- Nabavka radnih stolica, procijenjene vrijednosti 9.900,00 KM bez uračunatog PDV-a i

- LOT 2- Nabavka stolica za restoran, procijenjene vrijednosti 6.080,00 KM bez uračunatog PDV-a.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 28.07.2017. godine do 13,00 sati, te da se ponude dostavljaju u zatvorenoj koverti, Komisija je dana 28.07.2017. godine u 14,00 sati izvršila javno otvaranje ponude.

Blagovremeno je dostavljena jedna ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	„DESIGN OFFICE“ d.o.o. Banja Luka	LOT 1	9.375,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač „DESIGN OFFICE“ d.o.o. Banja Luka ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, a da ne ispunjava kvalifikacione uslove u pogledu tehničke i profesionalne sposobnosti postavljene u tački 3.1.4. Konkurentskog zahtjeva. Komisija je uvidom u sadržaj dostavljene ponude ponuđača „DESIGN OFFICE“ d.o.o. Banja Luka za LOT 1 utvrdila da ponuđač „DESIGN OFFICE“ d.o.o. Banja Luka nije ponudio radne stolice traženih karakteristika navednih u Konkurentskom zahtjevu.

Tačkom 2.1. Konkurentskog zahtjeva, u tehničkom opisu radne stolice traženo je da kancelarijska radna stolica treba biti visokog naslona, baza-zvijezda sa točkičima, fiksnim rukonaslonom (fiksirana za sjedište i naslon), sinhroniziranim mehanizmom za podešavanje visine i mehanizmom za pomjeranje naslona (naprijed/nazad) i kočenje u radnom položaju. Materijal za izradu kancelarijskih radnih stolica je kombinacija metala, plastike i spužve presvučene štof platnom crne boje.

Komisija je u cilju ocjene kvalifikovanosti ponude od ponuđača „DESIGN OFFICE“ d.o.o. Banja Luka tražila pojašnjenje da li ponuđena stolica odgovara tehničkom opisu radne stolice iz Konkurentskog zahtjeva. Ponuđač „DESIGN OFFICE“ d.o.o. Banja Luka dostavio je akt od 01.08.2017. godine, u kojem je naveo da je ponudio nisku radnu stolicu, da je prilikom izrade radne stolice posebno pažnja posvećena rukonaslonu stolice, na podizni mehanizam sa oscilacijom, tražene dimenzije sjedišta, ali ne i na opisani dio visoka radna stolica. Dakle, ponuđač „DESIGN OFFICE“ d.o.o. Banja Luka ponudio je nisku radnu stolicu sa rukonaslonom i osciliranim mehanizmom, navodeći da ukoliko bi se radnoj stolici dodala visina, ista bi izgubila svoj osnovni ergonomski oblik. Obzirom da ponuđač „DESIGN OFFICE“ d.o.o. Banja Luka nije ispunio uslov iz člana 49. Zakona, Komisija ponudu ponuđača „DESIGN OFFICE“ d.o.o. Banja Luka nije dalje razmatrala ni vrednovala.

Komisija je utvrdila da za LOT 2- Nabavka stolica za restoran, nije dostavljena ni jedna ponuda u predviđenom roku.

Nakon provedenog postupka ocjenjivanja dostavljene ponude, Komisija je utvrdila da za LOT 1 primljena ponuda nije prihvatljiva, dok za LOT 2 nije dostavljena nijedna ponuda u određenom roku.

Cijeneći naprijed navedeno, uvažavajući preporuku iz Izvještaja o radu Komisije, odlučeno je da se predmetni postupak javne nabavke okonča donošenjem odluke o poništenju postupka javne nabavke kancelarijskog namještaja za potrebe Agencije za LOT 1-Nabavka radnih stolica i LOT 2- Nabavka stolica za restoran, u skladu sa odredbom člana 69. stav (2) tač. a) i d) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču,
- Sektoru za mat.-fin. poslove,
- a/a.

